

الحكواتيات مشروع

المعارف ورشة

الحكواتية: دلال فرح
التاريخ: 16/10/2020
رقم الأرشيف: 20-SEOH-001
نوع الأرشيف: للاستخدام المحدود

السلسلة/الموضوع الرئيسي	التجربة المكانية
رقم الأرشيف	20-SEOH-001
نوع الأرشيف	للاستخدام المحدود—يجب إستشارة الحكراتية قبل استخدام هذه المقابلة
الحكواتية	دلال فرح
تاريخ ميلاد الحكواتية	غير مذكور
تاريخ ومكان المقابلة	2020/10/16 - عبر تطبيق زوم
ملخص التاريخ الشفوي	في هذا التاريخ الشفوي، تحكي لنا دلال فرح عن تجاربها في أماكن سكنها المختلفة، وتفاعلاتها مع كل هذه التجارب المكانية. تتكلم عن مشاعر الإنتماء أو عدمه في الأماكن والمناطق المتنوعة: من مكان ولادتها وطفولتها في الشام ثم إنتقالها للعيش في رحلة في سن صغيرة، وتنقلها للعمل والسكن في مدن مختلفة في سوريا ولبنان، وسفرها إلى عدة بلدان، من إنكلترا، إلى تركيا وبابوا غينيا الجديدة، وإلى أستراليا حيث تنقلت بين ولايات وبيوت كثيرة، وأخيراً عودتها إلى لبنان.
معلومات عن الباحثة	حصلت يارا أيوب على شهادتي بكالوريوس، واحدة في الفلسفة والأخرى في التصميم الداخلي. منذ عام 2012، وهي ناشطة وعضوة في العديد من المبادرات والمنظمات غير الحكومية. شاركت في العديد من المنصات الوطنية والدولية وهي الآن المديرية التنفيذية لمنظمة "من إلى" غير الحكومية.
التفريع	زينب الديراني
الترجمة والتدقيق	-
الكلمات الدلالية	الشام - بيروت - حلب - بلودان - تل حديا - تل شحيا - صربا - إنكلترا - لندن - إسطنبول - أستراليا - برث - بريزبن - سيدني - بابوا غينيا الجديدة - ويواك - حرب أهلية - بيئة محافظة - رحلة - وادي العرايش - فرنسيسكان - Ford foundation - مدرسة الأنطونية - الراهبات - وزارة الزراعة في رياق - دكتيلو - تيليغراف - المركز الدولي للبحوث الزراعية في المناطق الجافة - حمام تركي - Albion Park - مستشفى تل شحيا - شهود يهوى - جيران - paintage - بيت الشامي - حوش الزراعة - عبد الحلیم كركلا - مصفاة البترول في طرابلس - شهود يهوى - بيت الشامي - حمرا - فردان - مخابرات سورية - البستنة - كليمنصوا - الجامعة الأميركية في بيروت - steam Micheal - Somare - تمساح - Peru - Port Moseby - Pidgin - Wantok System - Unesco Palace - Association for Volunteer Services - قطف تفاح - عصر زيتون - قطف زعتر برّي

ورشة المعارف

بيروت، لبنان

Rights of Ownership for the Storytellers Project

The Knowledge Workshop holds full or co-ownership of all items that it archives and publishes. Recordings published on the Knowledge Workshop website can be used only for cultural, educational and non-profit purposes, and never for commercial purposes.

To use the material on our website, including the oral histories and their related images, we ask that you always reference the Knowledge Workshop with: Storytellers's name, interviewed by Researcher, Date, The Storytellers Project, the Knowledge Workshop, Beirut, Lebanon, page number. [Ex. Nazik Saba Yared, interviewed by Deema Kaedbey, 2017, The Storytellers Project, the Knowledge Workshop, Beirut, Lebanon, pp 12.]

To use the limited-use items held within the Knowledge Workshop, you can visit our office in Furn El Chebbak and fill out a permission form. You can use these items inside the Knowledge Workshop space, but we request that you consult with us on which items you can use. Some of these items require permission from the storytellers before being used.

حقوق ملكية لمشروع الحكواتيات

لورشة المعارف ملكية تامة أو مشتركة للمواد التي تؤرشفها وتنشرها. التاريخ الشفوي المنشور على الصفحة الالكترونية لورشة المعارف يمكن استعمالها فقط لأهداف ثقافية وتثقيفية لا تبغى الربح، ولا يمكن استعمالها لأهداف تجارية تبغى الربح. لاستعمال المواد على صفحتنا الالكترونية، من ضمنها التاريخ الشفوي والصور المرافقة نطلب منكم التنويه بورشة المعارف كمرجع باستعمال: اسم الحكواتية، قابلتها اسم الباحثة، السنة، مشروع الحكواتيات، ورشة المعارف، بيروت، لبنان، الصفحة. [مثلاً: نازك سابا يارد، قابلتها ديمة قاندييه، ٢٠١٧، مشروع الحكواتيات، ورشة المعارف، بيروت، لبنان، ص ١٢.] لاستعمال المواد المحددة الاستعمال الموجودة في ورشة المعارف (الغير متاحة على صفحتنا)، يمكنكم القدوم الى مكتبنا في فرن الشباك وتعبئة استمارة الطلب. بالإمكان استعمال هذه الموارد داخل ورشة المعارف، لكن نسألكم ان تستشيرونا عن أي مواد يمكن استعمالها. بعض هذه المواد تتطلب طلب من الحكواتيات قبل استعمالها.

ورشة المعارف
بيروت، لبنان

يارا أيوب: اليوم 12 تشرين الأول 2020، الساعة 3:30، مقابلة تاريخ شفوي نسوي مع دلال، عن التجربة المكانية لصالح ورشة المعارف. دلال منبش بالتعريف عن حالك، وين خلقتي، وأيا سنة؟

دلال فرح: [00:00:24] أوكيه، الله معك يارا، أولاً بتشكر وتتشكر ورشة المعارف إتو عطوني هالفرة. إسمي دلال فرح بايرد and مولودة بالشام، لإم لبنانية وبّي سوريّ من دمشق. هلق العمر، ممم... عندي مشكل، لأنو ما بحب كون labelled، كون مصنفة بنوع معين، العمر كذا، حتى ما بحب إذكر الجنسية. هيدي أنا طريقي، إتو هودي ما لازم يكونوا ممم... you know، نعرف فيهن. المهم، مثل ما قلت أنا مولودة بالشام، so ربيت أول سنين من عمري بالشام، عندي كان طفولة كثير حلوة، and كانت extended family، يعني العيلة كبيرة، بتذكر نروح لعند بيت ستي نهار الأحد بعد القداس، نعملنا ترويقة، نشوف ستي، عماتي، ولاد عمي، ولاد عماتي، ممم، ونقعد على الطاولة عالترويقة، تعلمنا فتة، يعني هالقصص هيدي اللي بتذكرها بالشام. هلق الculture بالشام، وبهداك الوقت كان... strict, very conservative، يعني التريبة تبع الأولاد ما كانت بس متوقفة على الأهل، كان العم يتدخل، العمّة تتدخل، يعني بتذكر كنا نخاف من عمتي، عمي كنا نبسله إيد بس نروح نسلم عليه، هيك كانت ال، العوايد. بالصيفية كنا نطلع، عنّا بيت ب بلودان، نطلع النسوان، يعني مثلاً عمتي، وإمي، مع الأولاد، الرجال يطلعوا بس على الweekend، وسني كانت هونيك، عندي كثير ذكريات حلوة بصيفيتنا ب بلودان نلعب بالجنينة، you know، كل هالقصص هيدي [تسعل سعة خفيفة]، so...، بس كان بهداك الوقت بالشام، يعني، خاصة المسيحية، كان ولائهن للبنان، يحبوا، يعتبروا إتو لبنان هو بلد المسيحية، so وصلنا لوقت إتو قرر بيبي وإمي إتو ننقل على زحلة، لإتو هيبي خياتها هونيك، وتصل فاقدة لإلهن، so هيدي اللي صار. إنتقلنا على وادي العرايش، اللي هيبي ممم، you know حد زحلة، منطقة كثير حلوة، البيت كثير حلو، بطل على الوادي، النهار، يعني بتذكر أول فترة ما نقدر نام على صوت النهار، الثلج بالشتي، كمان عندي ذكريات كثير حلوة. هلق وقت الدخلة عالمدرسة، أنا جاية كنت عم بتعلم بالفرنسي سكان بالشام، so مستوى العلم كان مختلف لإتو دخلت على مدرسة رسمية، and كانت اللهجة، بتذكر إتو هيدي ممم، مثلاً يسألوني بس يصير الساعة "احد عش" "قديه الساعة دلال؟"، قلهن "أيد عش"، ويضحكوا، so هيدي كان الفرق. بعدين كانت بلبنان، مثل ما بتعرفي، مش conservative، مش متحفظين مثل الشام، في حرية أكثر بتعبير الرأي، في ممم، يعني، باللبس، يعني بتذكر بالشام كانت إختي تنعزم على party، ممنوع تروح هيبي وشب، يعني بيعملوا الparty بالبيت، وفي صور إلها عم ترقص هيبي ورفيقتها من المدرسة. بلبنان كانت القصة مختلفة، يعملوا الparties بالبيوت، and الشب بدو يجيب إخته معه، لحتى يعملوا العدد balanced، بقي في مرة إنعزم خبي على party، وأنا قد ما كنت عندي براءة، naivety، ما يعرف شو بيسموا، ما بدّي روح معه، قلنله لأ، عندي درس أنا، ما فتي روح على الparty، مع إتو البنات بهالعمر، teenage years، يعني، بيتنوا يروحوا عالparty ويرقصوا ويهيصوا، أنا قلنله لأ عندي درس، زعل وقتها، وبتذكر راح حجز بأوتيل، ونام برّا، ما رجع عالييت، بقي... هودي القصص هلق بيضحكوا لإتو، ممم، يعني بس إنتذكر كيف كنت إتصرف، يمكن هيدي طبيعتي، يعني حتى مرة كمان، أصحابي عزموني على party، قلنلهن لأ، الماما جايبة زيتون وبدّي ساعدها، بال-ال-نفقش الزيتون [تضحك]، so هلق بس إنتذكر، it's so funny, but that's how it was، المهم، ممم، الculture كان ال-- مختلف لإلي، بين تربيتي بالشام، وتربيتي بزحلة، ممم، but I enjoyed it، يعني في كثير إشيآ تعلمتها جديد أكيد، في كثير إشيآ مبسطت فيها. المهم، ممم... [ntsk]، صارت هيديا... شغل، بنت خالتي كانت تشتغل مع الFord Foundation ب رفاق [00:05:24]، وال، اللي هيبي مش بعيدة عن زحلة يعني، so قالتلي "دلال، ليش ما بتجي معنا؟"، كنت عم علم وقتها، علمت بمدرسة الأنطونية، and كثير حبيبت التعليم، وأطلع بأفكار جديدة مثلاً، قلنهن للأولاد "بكرآ بدّي نقّي حدا منكن هيبي تكون المعلمة، أو هو يكون الأستاذ، and هيدي خلنهن يحفظوا الدروسهن، ولأتو إ-إسمع الfeedback من أهلن، so ثاني يوم، نقّي حدا منهن، randomly، ما يكونوا عارفين مين، قعدهن عالكرسة تبعولي، ويكفوا إتو هني قاعدين عكرسة المعلمة، وأنا إقعد محلهن. so، كنت إخترع هيك قصص لحتى... شجعهن يدرسوا ويتعلموا. هلق، مدرسة الرّاهبات، كان عندهن خصلة الرّاهبات، بجوا يوقفوا عالبااب، البااب قزاز، بقي توقف لحتى تتسمع عالمعلمة كيف عم بتعلم، إذا ماشي الحال، إذا... so، بما إتو البااب قزاز، أنا بس شوف الأولاد برموا كلهن هيك صوب البااب، بعرف إتو الرّاهبة واقفة برّا، وما حبيبت، ما كنت حبها هالخصلة هيدي، so، مرة عملتها، قمت رحنا عالبااب، فتحناها، تقصلي ma soeur، فوتي إقدي، واحضري الصّف جوا، يعني هالتصت هيديا عن البااب، ما كنت حبه. هيدي اللي هلق خطرت براسي من بين الإشيآ وقت اللي كنت عم علم الأولاد كانوا ل-لإنذكر أيا صّف، يعني كنت علم الdeuxieme يعني 1 year، ممم، مهضومين كثير، and لخبرك كمان قصة مهضومة، كان في خصلة، إذا بعنت ورانا الرئيسة، نحط حدا يوقف حتى يهدّي الصّف، أحلى ما ي... نطوا ويفزوا وهديا، فأنا كنت حطّ اللي شيطان أكثر شي بالصّف، وقفه هو مسؤول، جان بتذكر كان إسمه. نزلت شفت الرئيسة ورجعت، ولقيت جان كاتب غ هالtableau، عالواطي لأن هالقد بيوصل، أسامي، وكلّ حد إسم [إشارة] x، يعني هيدي كمّ مرة حكوا بغيايبي. ميرسي [merci] جان عهالشغل اللي

ورشة المعارف

بيروت، لبنان

عملته، وما يعرف شو. ولأشفت حاطط إسم بنت ما كانت موجودة بالصّف، قلنّه "بسّ هيدي أرليت مش هون اليوم"، قلّي mademoiselle بنكون عم تعزّب إمها بالبيت، so, you know، قصص funny, things وهيدي براءة ال، الأولاد، وهالمهنة حنينها كثير، لحدّ ما قائلتي بنت خالتي أدخل معهن على ال Ford Foundation. هلق ال Ford Foundation كانوا آخدين مكتب بوزارة الزّراعة برباق، and، ممم، بس أنا ما بعرف إحكي كثير إنجليزي كنت، الإنجليزي تبعولي مش كثير قويّة، وما بعرف أطبع، لأنّو عأساس بدّي روح إشتغل secretary. إستانجرت دكتيلو [manual typewriter] على الإيد يعني، and قائلتي لازم تتعلّمي تطبعي بالخمس صابيع، نتمرّني تطبعي بالخمس صابيع، no problem، مع أنّو مش صعب-- مش هيّنة يعني، لأنّو الزّرار كثير قاسيين لحتّي تكسيهن. تعلّمت الطّباعة، وبلّشت معهن بالford foundation. كمان قصّة مهضومة بتذكّر ها، إجا، لأنّو كانوا ال scientists من عدّة بلدان، في أمركان، في إنكليز، في من كلّ الجنسيات. so، مم، إجا مرّة واحد من ال scientists الأمركاني، عطاني ورقة، قلّي هيدي بدك تبعيتها، ممم، telegram. كان بوقتها يبعوتو telegram، telegram [أو telegram، telegraph]، المهم، حطّيتها أنا عالطّولة، وتبسّمته، كنت كثير شاطرة إتبسّم، إذا قال شغلة ما فهمتها، إتبسّم. راح هو عالحفل ورجع، and سألني عنّها، قلنّه "oh"، تطلّعت أنا، مش موجودة، تاري مفتوح الشّباك وطارت، وأنا مش عارفة، وهيّي يعني إذا بدّه يبعته telegram، بدّو يكون شي مستعجل يعني. بقى صار معي هيّك كم قصّة كمان مهضومين بالشّركة مع الford foundation، مثلاً بدل ما قلّه لشخص بالحديث إنّو بقله "أنا كثير متفائلة" قلّه "I'm very optimistic"، قلّه "I'm very pessimistic"، وأنا عم بتبسّم، so، يضيع هالشّخص، إنّو هيدي زعلانه، يمّا متفائلة، يمّا متشائمة؟ ممم... anyways، صارت الحرب بال75 بلبنان، so قرّروا الford foundation إنّو ينقلوا، من لبنان، مع إنّو كانت الفكرة إنّو يفتحوا ال--ال--international center بالبقياع، وكانوا عملوا agreement، إنّو ياخدوا الأرض من الدّولة، يعني كانت خلقت كثير كثير شغل بالبقياع، بس للأسف وقت اللّي صارت الحرب، قرّروا إنّو، ممم، it's not safe، ولازم ينقلوا على بلد تاني، so عملوا وقتها إتفاقيّة مع الحكومة السّوريّة، نقّوا حلب، ممم، والدّولة إشتريت الأراضي من هالمزارعين، ب تلّ حديا إسمها، يلّي هيّي، قبل ما توصلي عحلب، أرض كبيرة، وعأساس ينعمل هونيك ال International Center for Agriculture Research in the Dry Areas، [أي] [00:10:24] المركز الدّوليّ للبحوث الزراعيّة في المناطق الجّافة. هونيك كانت كمان another experience، يعني، ممم، رايحة من لبنان، رحنا على حلب، ممم، كئنا فاقدين لأهلنا، ياما في ناس يبكوا، الموظّفين اللّي تركوا أهلهم، إنّو نقلوا الموظّفين معهن على حلب. مش كتار تقبّلوا ها، مش كتار تأقلموا، ممم، بس هيدا اللّي صار، and بلّشنا كان، ما شي، الأرض فاضية، وبلّشوا بقى بالزّراعة، أبحاث زراعيّة، بلّشوا بينوا العمارات للـليعملوا المختبرات، وهالقصاص هيدي. so، كمان هونيك كان في different culture، ممم، أكيد محافظين أكثر أهل حلب، بس بتذكّر الكرم اللّي كان عندهن، يعني رحنا أنا وبنت خالتي، إستانجرونا بيت، ببسّموه كانوا ال girls، guesthouse، حطّونا فيه، وإستانجروا شقّة تانية للشباب، سمّوه ال boys guesthouse. هلق نحنا بالبناية تبعولنا، في صاحبين البيت، فرقنا. ممم، بتذكّر هيّي ستّ البيت من بيت مدرّيس، كانت تزعل علينا إنّو نحنا بعاد عن أهلنا، في حرب ببلدنا، تطبخ وتنزلنا الأكل، يعني، للحقيقة، الكرم اللّي شفّته بحلب، كان كثير حلو، كيف حسّسونا إنّو كائو هيدا بلدنا التّاني. هلق تنروح على السّينما، ما في سينما. بدّنا نروح نعمل activities، ما في، لأنّو [تسعل]، حلب كانت you know، مش مثل هلق. so، شو قرّرنّا أنا وكم بنت لبنانيّة اللّي نقلنا لهونيك؟ نعمل نادي، سمّيناه winds، هلق الwinds، بتمشي عالمري وبتمشي عالإنكليزي، so صرنا نجتمع، مرّة بالشّهر ببيت حدا، مرّة نعمل games night، كلّ واحد يجيب معه game [مثلاً] monopoly, cards, you know، هال games هودي، نجتمع ببيت حدا، وكل واحد يجيب صحن معه، bring a plate. يجيبوا أكلة، منشارك الأكل، ونسهر، ونلعب ال games، مرّة إنّقنا إنّو بدّنا نروح، كئنا سامعين إنّو هونيك في الحمام التّركي مشهور كثير، so، كمان عملنا group، حجزنا الحمام، and، ممم، رحنا، بس في وقت للسّنات، وفي وقت للرجال، so أكيد نحنا حجزنا وقت للسّنات، وكانت very interesting experience، ممم، كان لازم ناخذ أكلنا معنا، و3 مراحل للحمام، في المرحلة برّاء، محل ما-- ما مناكل، الوسطي، يلّي هو مش كثير شوب الحمام، وبتوصلّي لآخر غرفة، اللّي هو كثير شوب، بخار وفي بلاطة بالنّص، بتذكّر ضحكنا عالبلاطة، وبعدين في enclose يعني مثل هيّك غرف صغيرة بالحيط فايبتين، فيهن جرن، هيدا لحتّي تحمّنا، لأنّو كان في ستّ تحمّم، لحتّي تحمّنا وتكبّ الميّ علينا، so هلق في كيس، تبع التّفريك ببسّموه، كيس أسود، تمسك إيد الوحدة، ويلا، تدعكها، نصّفّي حمر مثل الشّمندر، and بيطلع الواحد هيّك، ممم، مبرقط كلّه، محمّر، و... ممم، من النّضافة، من الفرك، من اللّي هو. نرجع نطلع على الأوضة الوسطي لحتّي يتف-- تنقي، بيرد جسم الواحد، بعدين لبرّاء، نقعد ناكل، so هيدي ال experienced ضلّت براسي، ممم، لأنّو مش دايماً بتصير، so إشتغلنا بحلب، and تعرّفت على كثير nationalities، لأنّو international center، كان في من جميع الدّول ال scientists اللّي اشتغلوا هونيك، وصفينا، لأنّو نحنا أسننا، صفينا مثل عيلة، ممم، كلنا منعرف بعضنا، يعني إذا يشوفوا سيّارة واقفة حدّ، لأنّو، ممم، شركات السيّارات من الشّركة، so من النّمر يعرفوا، أو من الموديل يعرفوا، آه، هيدي فلانة عم بتزور فلانة، so، كئنا مثل عيلة، وهالاختلاط مع العدّة جنسيات كثير كسبني خبرة، يعني كائّي زرت بلدان كثيرة، and أنا بطبيعتي بحبّ إسمع قصص العالم، بقى بالسّهرات، بتسمعي، هيدا سوداني، وإيام يصير في سوء تفاهم، مثلاً، السّودانيّة يقولوا "هيدا حباب"، يعني، "he is very nice, very"

ورشة المعارف

بيروت، لبنان

our kind"، "الطيف"، بينما "حَبَاب" عند الحلبيّة يعني "نسونجي"، بقي، بصير معنا قصص كثير هيك، سوء تفاهم، different cultures، الكلمات اللي بتستعمل، ممم، you know، مثلاً، جمع "شرطيّ". "شراطي"، جمع "حمّام" بالحليّة، عند الحلبيّة "حماميم"، ممم، بقي هودي، هالقصص هيدي، اللي صارت معنا هونيك. الشغل كذا نشغل كثير، بس لأنو مش، ممم، رح نرجع على بيتنا، عند عيالنا، يعني، so، نقضى وقت أكثر بالشغل، بس كان بهالوقت، نحنا اللبناني اللي أخذونا معهن عحلب، عايشين بقلق، لأنو إيام تنقطع التيليفونات، ما فينا نتلفن لأهلنا، نعرف شو عم ببصير معهن، بعدهن طيبين يما لأ، ممم، بتعرفي، لا كان في mobiles، ولا كان في شي. بتذكّر مرّة عم بحكي مع أهلي عالتيليفون، هي إذا كان في تيليفون، مش دايماً، كانت تنقطع كثير التيليفونات، أنا وعم بحكي معهن، قلّي بيّي "عم يقصفوا هون"، أنا قاعد عالارض، وانقطع الخط، so تخيلّي... موقفي وقت اللي عم بحكي معه، مش عارفة إنو بعد ما إنقطع الخط إذا صابتهن قذيفة يما لأ. هيدي كانت حالتنا كلبنانيّة هونيك، بالوقت اللي الحرب قايمه بلبنان. هلق كل ما صرلنا، نجي على الweekend، ممم، نזור أهلنا. أنا كنت إجي عزحلة، سوق من حلب لزحلة، قضّي الweekend مع أهلي، إرجع روح. بهالوقت، الماما صخنت [مرضت]، هيّي كان معها السّكري، وصار معها complications، هيدي كمان من الإشي اللي خلّنتي كمان عيش بقلق عطول. so، بتذكّر مرّة جايمه من حلب عزحلة، ما فشّ حدا بالبيت، بيّي تارك ورقة إنو يحنّي بالمستشفى. رحت على مستشفى تل شحيا، سألت عن الأوضة، وطلعت، هو حاطط كان يمكن رقم الأوضة، طلعت، التّخت فاضي. so، تخيلت إنها توقّت، وشالوها. بهالوقت عم بيكي، و... المهم بعد ما سألت، طلع إنو نقلوا غرفتها، [تسعل]، يعني بس عم جربّ خبيرك ال-anxiety، القلق اللي عشناه بهالفترة... فترة الحرب، وكنا مضطّرين نكون، ممم، يعني اللي عنده شغل كان ممنون إنو عم يشتغل، خصوصاً إنو كانوا يدفعلونا بالدولار. so، ما كان وارده إنو نترك شغلنا حتّى نكون مع أهلنا، لأنو نحنا كنا عم نعيّلين. اللي عم يشتغل برّاً، يقدر يساعد، مثل ما بعدها الحالة لحدّ هلق يعني، اللي عايش برّاً عم بيساعد أهليّه هون. so، كان في دايماً ups & downs، هالحياة عادةً، فيها ups & downs، بدنا نقلها مثل ما هيّي، ممم، so، كانت مراحل، نمرق بمراحل حلوة، لأنو مثل ما قلناك كنا عايشين كعيلة وحدة، بس بذات الوقت أفكارنا عند أهلنا. [تأخذ نفس عميق]

ي.أ.: [غير واضح] sorry بتقدري تخبرينا أكثر، أول شي عن هيدي المراحل اللي قطعتها، نقلتي كثير محلات، بتقدري تتذكّري شوي مثلاً، تخبرينا عن كل بيت عشتي فيه، بكلّ مرحلة، وشو حسيتي تغيّر عليك، مثلاً، وقتها نقلتي من بيتك بالشّام، على بيتك بزحلة، وبعدين على حلب؟

د.ف.: sure [00:18:45]، هلق ببيت الشّام، نقلنا على 3 بيوت، يعني خلقت أنا ببيت، رجع نقلوا أهلي على بيت طابقين، and وبعدين على شقة تالته، more modern، بس هيدا التاني، يلي خ-ر بيت فيه، ممم، بتذكّره مهضوم كثير، يعني، في درج، أول شي، بتطالعي أوّل طابق، بترجعي درج تاني لتطالعي تاني طابق، وبعدين تالت درج حتّى، ممم، نوصل عالسطح، so، هال space هيدا، ممم، فيو دفي، يعني البيت بتذكّر فيو دفي، حتّى خبيرك، مثلاً، الماما إذا كان ملّكينا، الضّرب ما كان وارد عندها، تجيب مرابيه، وتحطّها قدام وجنا، مجرد ما تنطلع بالمرابيه، نشوف حالنا عم نيكي، كنا نسكت. وهيدي، يعني كانت سابقة عصرها، إنو تنصرّف بهالطريقة هيدي، حتّى تسكّتنا، so، أوض التّوم فوق، وتحت المطبخ، والهيدا، وكانت تخلينا نطلع نلعب عالتيخيتة بيت بيوت. يعني حتّى، كانت عاملتنا علبه فيها تياب الما بدّها ياهن، السّكر بينات اللي ما بدّها ياهن، وبتذكّر نلبس الكعب العالي، ونلعب عالتيخيتة بيت بيوت. الدّرج، كذا، عم خبيرك هيدا حتّى تشوفي الفرق بين كيف ربينا، وكيف هلق الأولاد بلاقيهن على ال... اللابتوب، وعلى الipad، وعلى الphone، so، نجيب حرام، ونقعد عالدرج، نحطّ الحرام، وكل واحد يقعد على درجة، ونلقه عحالنا، ونربط حالنا، وبعدين، نزحط، نزحط حالنا، على الدّرج للأخر، هلق تاخذنا يمكن شي ربع ساعة، تلت ساعة، لبال ما نربط حالنا ونقعد، و... ثواني حتّى نوصل ل... بس هيدا اللّعب اللي كنا نلعبه. الماما كان في حيط سامحتنا نستعمله، ممم، كtableau، وكان، ممم، يجوا قراييننا، ولاد عمّي، ولاد عمّتي، يقعدوا على الدّرج، وواحد منا يكون الإستاذ أو المعلّمة، ونكتب بالطّبشور على الحيط، so، الماما برأيها إنو المهمّ عم نلتهي، وبالبيت عم نلعب، and، وبعدين بتنصّفهن. so، this، هيدا ال--ال--، هالمساحة، هيدا الspace اللي عشت فيه بهيداك الوقت، بالشّام.

ي.أ.: بتذكّري شي عن ال.. عن الحيّ اللي كان فيه هيدا البيت؟

د.ف.: of course [00:21:17]! كانوا [تضحك]، كانوا، ممم، يكتبوا الزبالة عالطريق، right؟ يجي تاني يوم الزباليّ يلّم الزبالة، هلق ما بعرف ليش كان عندهن هالعقليّة، كل واحد يزت زبالة حد بيت جاره، قال بدّش يكتبوا زبالة حد بيتهن، يكتبوا--، ما كان في كياس بلاستيك، وهيدا، يكتبوا الزبالة عالطريق، يلّموا تاني يوم. so، بقبالنا كان في بناية، من آخر طابق، في ستّ تحطّ ال، الزبالة بكياس نايلون، وتكّبهن. ما إلهما جلادة تنزل من رابع طابق، خامس طابق، I can't remember، تكّبهن. هلق، يجي الكيس عالسيارة اللي واقفة تحت، يجي عالارض وينفّش... كمان كان عندها خصلة إنو ممم، الدّكانة، الcorner shop،

ورشة المعارف

بيروت، لبنان

هو عالزّاوية كان، أبو إبراهيم كمان كان إسمه، بتذكّره، so، بدّها تعيطله، مثلاً بدّها لين. تنزّله السّلة، يحطّلها اللّبن، واللّبن ما كان ينباع مثل هلّق، لبن الخوري، ومسكّر، وما بعرف شو، يحطّوهن بقدره فحّار، بقى تطلع هالسّلة عم تبرم، وهاللّبن عم يبرم، يطرطش الحيطان، يطرطش whatever، ممم، so، هيك كانوا ينزّلوا السّلة، ممم، تحطّله المصاري، ويحطّلها الغراض. خبيّ الكبير كان يعمل قصص من هالنوع، شو يعمل؟، ينزل السّلة، مثلاً إجا الفرّان، حطّلها الخبز، and، ممم، يترك السّلة، يكبّ الحبلّة، شو يضطرّ يا حرام هالصبيّ، يحمل هالسّلة، مع الغراض، يطلّعها لعنّا. أو يزّثله المصاري من الشّباك، يصيروا عم بيطيروا، ويلحقهن، بقى الحّي مهضوم، إذا بدّي قول شي، بقول مهضوم. بس أوقف أنظر ال autocar الصّبح، كان في جار، ممم، يوناني، ويزرع cactus، كان عنده هواية يزرع ال cactus هالشّباك، so، يوقّف عالشّباك، يعطيني بونبون، يعطين يشي أنا وناطرة ال autocar. ممم، العالم كان، يعني الجيران يعرفوا بعضهن أكيد، البيوت قريبة على بعضها، السّهرات يعملوها، زيارات عند بعضهن، ممم، كان بيّي ياخذنا عالسينما، لأن حدا من قرابته كان عنده سينما، so، ممم، وأمان، يعني ما بتذكّر كّنّا نحسّ بالخوف أو بشي، ممم، it was a pretty good neighborhood.

ي.أ.: أوكيه، انتي... رجعتي إنتقلتني على بيت تاني بقلب الشّام، ولّا رجعتي إنتقلتني على زحلة دغري؟ وإذا بتقدري تخبرينا أكثر، شو حسيتي الفرق، حتّى لو بعمر صغير، عن هالتجربة وهالتجربة ب... بمدينة كبيرة مثل الشّام، وبعدين مثل، مدينة أصغر شوي يمكن، مثل زحلة، و... والبيت أكثر كمان، إذا بتقدري تخبرينا عن تجربتك، شو بتذكّري منه؟

د.ف.: [00:24:35] أوكيه، هلّق بيت الشّام مثل ما قلّناك، هيدا اللّي كان طابقين، أو 3 طوابق، رجعنا نقلنا على شقّة، ممم، كانت حلوة، modern، بسّ I think ضلّ تعلّقي بالبيت القديم، يمكن لأنّو طفولتي كانت بهيداك البيت، ممم، بس كان modern، كمان الجيران نلعب معهن، ننزل لتحت، في ال parking، هلّق أنا كنت شوفها شي كثير كبير، بسّ، بسّ رحت مرّة بعدين على كير، you know، في ride way، في ال driveway للسيارات، كّنّا نلعب paintage هونيك، نلعب paintage على السّطح، so كمان كانت حلوة، وقت النّقّنا على وادي العرايش، of course، يعني أنا جاي مثل ما قلّناك من مدرسة الفرنسيكان، من مدينة كبيرة، لضيعة، وادي العرايش ضيعة، بقى كان في كثير إختلاف، بس somehow إتأقلمت، يعني حتيت هالجوّ الصّغير، مثلاً أنا ورايحة عالمدرسة، في ناس عم يخبزوا "يي، تعي حبيبتني، تعي خديك منقوشة، تعي خدي رغيف سخن"، هودي... هاللي ساعدوا إنّو إتأقلم أنا وعيلتي، لأنّو دايماً حسينا إنّو مرحّب فينا، هلّق كانوا يسمّونا بيت الشّامي، لأنّو لهجتنا كلنا شامية، ممم، بس الس--ال، أكيد الفرق كان بالتّعليم، حسيتيه، الصّفوف، ممم، ال، البيت حلو، البيت أبداً ما كان عندي مشكل، لأنّو كثير قريب للطبيعة، عكس بيت الشّام اللّي هو بمدينة كبيرة، وطرقات، وسيّارات، وهيدا، ممم، yup.

ي.أ.: إذا، مثلاً، في شي معين بتتذكّريه وقتها بلّشتي تشتغلي، عن المكان اللّي بالمدرسة، شو كنتي مثلاً، هلّق شو معلق بذاكرتك، عن المكان، شي مثلاً إلو علاقة بريحة معينة، بمشهد معين، ممم، شي يمكن إنتي كمان غيرتي بشكل الإشي اللّي حواليك حتّى تتأقلمي أكثر، أو حتّى تعطي مثلاً، من هويتك لنقول؟

د.ف.: [00:27:02] بالمدرسة؟

ي.أ.: بالمدرسة، بمطرح ما اشتغلتي، بالبيت، بالحّي.

د.ف.: [00:27:11] أوكيه، هلّق المدرسة تبع الفرنسيكان كانت ممم، top school، يعني، and يعملوا activities، الرّاهبات، بتعرفي كانوا but very strict، يعني لحتّى ناخذ ال carne، بأخر الشّهر، بدنا نلبس كفوف، يفحصونا ضفيرنا، ما في حدا يعليّ التّنورة، very very strict، يّلي ما كنت حبه كانوا، تجي الرّيسة، تقرا ال carne، يبلّشوا من الآخر، مثلاً فلانة طالعة ال 23، 24، 25، ليوصلوا لل first، هيدي شغلة امبسطة هلّق إنّو وقّوها، لأنّو كانت كثير تأتّر على الأولاد. so، كمدرسة، كانت كثير حلوة، وقت النّقّلت على الوادي، المدرسة كانت كثير أصغر، ممم، منّاش serious، مش راهبات اللّي دايرينا، مثلاً لأعطيكي مثل، الأستاذ بقا صص حدا، من الشّباب، عم يتشيطن، "اطلاع لبرّا!"، يطلع لبرّا، هلّق بس يطلع لبرّا يكيّف، يروح شو في موسم، ما عم قلّك ضيعة صغيرة، في موسم الكرز؟، يلا، يروح يحوّش كرز، ويرجع، بس يصير الوقت إنّو يفوت لجوّا، بكون جايب معه بجياهه كرز، يطعمينا، ممم، كانت less serious، يعني، بقى هيدا أنا أخذني وقت لأتعود عليه، معوّدة على مدرسة فيها جدية أكثر، فيها discipline أكثر، ممم، بس المستوى العلم كان أكثر، يعني حطّوني بصفّ أعلى، لحتّى إتماشي مع الباقيين، and، ممم، الكرم، التّرحيب بالعالم، مثل ما قلّناك أنا ورايحة وجاي، "تفضّلي دوقي هي"، ومش عارفة شو. ال space، I think ال nature اللّي حبيّته بالوادي، لأنّو الطبيعة كثير حلوة، صوت النّهر، بعدين أهلي، ممم، كان عنّا veranda كبيرة بهيدا البيت، وإمي كانت تحبّ النّاس، يعني تخيلي بال weekend، أيّام يكون عنّا عيلتين جايين يزورونا، ما يكون، ما في تنسيق، يعني شي يتلفن "نحننا جايين لعندك"، هوب! ما نلاقينهن إلّا واصلين، بجوا يناموا عنّا على

ورشة المعارف

بيروت، لبنان

الweekend، بقي قد ما نعمل سهرات برّا على الveranda، غناني، وضحك، ورقص، و... إجو مرّة سّاتّاتّنين، مصاروة، هلق بالوادي، بتمشي مع الوادي، مع النّهر، بتعرفي، في قهاوي على الميلتين من النّهر، بتطلي بدرج، بتوصلي على وادي العرايش. نحنا، البيت والبرندا تبعولنا بتطلّ على قهاوي الوادي، النّهر، والقهاوي تبعولهن، يعني نسمع الغناني، نشمّ روايح المشاوي، ممم، so، عاملين هيصّة نحنا على البلكون، وهيدا، بيجوا سّاتّاتّنين قال "داه كاسينو؟"، فكروا إئو نحنا كمان واحد من المطاعم. بقي هالقدّ كان الجوّ حلو، and وقت اللّي إجوا عيلتين سواء، قالتلهن ماما أوكيه، لازم نعمل shift، في ناس بيناموا للسّاعة 12، ما عنّا فرشات كفاية، نفرش وهيدا، وناس بعد ال12. so، وحدة من قراييننا، نايم جوزها برّا لأنو في صوفايات برّا، نام برّا، حتّى عالبلكون، and، هيدي كانت كثير حلوة، تغطي باللّحاف، تحت النّجوم، الهوا نضيف. صارت السّاعة 12، بتقوم بتشيل اللّحاف عنه، إئو خلص دورك، أنا هلق بدّي نام، قام هو مقبّعة معه، صاروا يركضوا بهالبيت، يركض وراها لحتّى ياخذ منها اللّحاف، يعني، بس أعطيك فكرة كيف كان ال، الجوّ، بوادي العرايش. ممم، هيدا الspace، هيدا الenvironmental، اللّي كنت فيه، and، so I was very very lucky، لحدّ ما الماما حرام صارت تصخن، وصحتّها تدهورت.

ي.أ.: يعني إنتي بتقدري تربطي مثلاً حبك ولا تأقلمك لهيدا البيت بوجود عيلتك، ويمكن إمك، أو وجود هيدا الجوّ المعين، مضبوط، أو إئو مثلاً، بتفكر في بطريقة إئو يمكن اللّي خلّاي تتأقلم هو إشي ثانية؟

د.ف.: [00:31:27] لا I'm thinking اللّي خلّاني إتأقلم، أوّلاً نقلنا غ زحلة، يعني في خالاتي هونيك، كنت روح زورهن، يعني بالتّج نمشي من وادي العرايش على... حوش الزراعة، يعني بدّها شي ساعة مشي، يمّشينا بيّ بالتّج، مم، so، كنت محاطة بخالاتي، وبتعرفي خالاتي محبّتهن، وخاصّة نحنا عنّا بالعيلة، كثير قراب عبعضهن هتي، ممم، بعدين مرّة بيّ قلنا يلا بدّنا نطلع عالجبيل، عاملين صليب براس الجبيل، so في نهار قرّر إئو مناخذ تيرموس thermos شاي، مناخذ معنا مناقيش، وبدّه يمّشينا، يعني مناش كبار نحنا كئا، بال... 13، بس كئا نحبّ الadventures، so، مشينا على الصّليب، وصار يشرحلنا إئو هيدي العشبّة كذا، وهيدا زعتر أخضر نحوّش، ممم، بزعل على الأولاد اللّي ما إختبروا هالاشيا هيدي، أنا يمكن I'm lucky، عشت بمدينة كبيرة، عشت بكتير مدن بعدين، بس بطولتي، مدينة كبيرة، وبضيعة صغيرة، so إختبرت النّتين، بقي يمكن أهلي هتي اللّي خل--، ساعدونا نتأقلم، لأنو هالقدّ روجهن حلوة، هالقدّ يجبوّ الناس، وكرما، so، ما حسينا معزولين، ولا حسينا... أكيد هتي طبيعتهن اللّي ساعدت إئو إتأقلم.

ي.أ.: يتحسّي بالأمان وقتها بتتذكّر إشي عن، وقتها عشتي بهيدي المنطقة؟

د.ف.: [00:33:13] كثير. كثير. وبتعرفي العقليّة هونيك مثلاً، كنت عم بطلع مع وحدة ستّ اسمها حنينة، وتجوّزت عبدالحميم كركلاً، بقي إجا ناظر المدرسة، عم بيّنّه أهلي إئو هيدي بنتكن عم تطلع مع حنينة، وحنينة عم تطلع مع شبّ مسلم، كانوا هيك عقلاّتهن، unfortunately، and، بس أهلي luckily، ما أخذوها بعين الإعتبار، إئو أوكيه عم تطلع مع واحد مسلم، بس هتي ممم، شو المسلم يعني صار، you know، ما، ما كان عندهن مسلم-مسيحي، ما كان عندهن هالنفرة هيدي، بقي الكلّ كان بتدخّل بالكلّ، إذا عم تحكي أمان، عم بعطيك فكرة إئو كيف الغريب بحسّ حاله مسؤول عن أمانة الكلّ.

ي.أ.: بتقدري تخبرنا عن تجربتك وقتا إنتقلت وقت الحرب على حلب؟ البيت اللّي عشتي فيه، الحيّ... هلق خبرنا شويّ عن كيف كنتوا تحسّوا حالكن كمان بجوّ عيلة، هل هيدا الشّي حسّك بالأمان؟ كيف حسيتي وقتها أول مرّة بتنتقلي من بيت فيو أهلك، على بيت صرتي مع أصدقائك؟

د.ف.: [00:34:34] هلق وقت اللّي إنتقلت على حلب، نقلونا مع، you know، البنات حطّونا بguesthouse، سمّوه الgirls guesthouse، والboys guesthouse، الspace اللّي كئا فيه، إسأجرونا شقّة مهضومة كثير، بس كان بذات الوقت office، وguesthouse، يعني كان الصّالون وأوضة السّفرة عاملينهن مكتب. so، نقوم الصّبح من أوضة النّوم على المكتب، يعملوا الmeetings عنّا، نطبع هونيك، so، this، هيدا اللّي بتذكّره عن الspace بحلب، أول فترة، لبين 66 ما أخذوا مكاتب، وكلّ شي، بس هيدي أول فترة، كان هيك، and، وبتعرفي، كان جامعنا، المصيبة جامعنا، يعني نحنا كلّ اللّبنانيّة اللّي تركنا من هون، جامعنا مصيبة إئو في حرب بلبنان، وما منعرف شو عم بيصير، so كئا نعمل، ندعم بعضنا، ممم، بالmorale يعني، ونسلّي بعضنا، so كانت أكثر الإجماعات بالبيوت، نعمل عشا، نعزم، ممم، بس كمدينة، حلوة كثير، هلق أكيد في كان إشي مش موجودة فيها، بس كان في أمان، الناس very hospitable وكرماء، that's what I remember، يعني، بتذكّر وحدة أجنبيّة عم تقلّها لوحدة حليّة، عم تقلّها "شو حلو خاتمك!"، بدّها تسلّحوا وتعطيها ياه، خاتم ذهب، [تأخذ نفس عميق]، so، هيدا اللّي عندي ياه ذكريات، office، كمان الoffice كان بلّش صغير، بلّشنا بالشقّة عنّا كoffice، وصار يكبر،

ورشة المعارف

بيروت، لبنان

in terms of space, from small to bigger, and to ، كان بالتدرّج التّغيير ،so، كان بالمكاتب، bigger، لحتى صار المكاتب كبيرة، و unfortunately هلق تخربوا بالحرب بسوريًا، و، ممم، هالتغيير التّدرّجي بال، إن كان بالبيوت بما إن كان بالspace، offices، ممم، ساعد إنو نتأقلم بالتّدرّج.

ي.أ.: بتتذكّري مثلاً عن الحيّ اللي كنتي ساكنة فيه، سكنتي ببيت واحد بحلب، أو أكثر من بيت؟ في شي فقدتية وقتها رحتي عحلب، ما كان موجود بزحلة أو بالشّام، أو في شي جديد تعرّفتي عليه مثلاً، أوّل مرّة ما بتسكني مع عيلة، شو حسيتي، مع عيلتك يعني، شو حسيتي إنو إنتي ساكنة مع أشخاص منهن عيلتك؟ غرفتك، شو عملتي لحتى كانت هيدي الغرفة صرتي بتحسي حالك بتنتمي لإلها؟ شو كان مثلاً أكثر جزء من البيت، أو من المدينة تحبيه، وليه؟

د.ف.: that's a good question: [00:37:38] ، في كثير إشي ما كانت موجودة، يعني، بلبنان في كثير إشي متوفّرة برغم الحرب، كانت مش موجودة بحلب، so، كل ما نجي ع لبنان، يوصّونا أصحابنا، ونحن نعمل big shopping، وناخذها معنا، نتموّن الإشي المش موجودة مثلاً، nescafe، الإشي الbasic يعني، الkleenex حتى، كنا نوقف بالدور هونيك لحتى ناخذ kleenex، أو نشترى غراض، بالنسبة للspace، I think لأتو صارت بالتّدرّج، التّغيير صار بالتّدرّج، يعني أوّل شي مع بنت خالتي، كنا ننام بذات الأوضة، بعدين تجوّزت وتركت، صار مع أصحابي، بعدين نقلت لحالي، كلّ الإشي صارت بالتّدرّج، هيدا اللي ساعد إنو إتأقلم بسرعة، ويمكن بطبيعتي أنا، ممم، you know... بس شو أعمل مثلاً؟، بالبيت، أو بالغرفة اللي أنا فيها، حط إشي تذكّرني بصور، العيلة، صور إمّي وببّي، ممم، علق إشي اللي بتخلّيني، تذكّرني بالبيت، يعني الغرفة الصغيرة أعملها little home، مع إنو تكون إشي بسيطة، بس هيدي اللي تذكّرني بالبيت وبالأهل وب... you know، جوّ العيلة.

ي.أ.: بتتذكّري شي من هيدي الإشي غير الصّور مثلاً؟

د.ف.: posters: [00:39:07] بتذكّر علق posters، ممم، سجّادة صغيرة أخذتها من البيت، حطّيتها حدّ النّخت، إيام تبقى إشي كثير بسيطة، بس بتعني كثير، ومثلاً للمطبخ حتى، ممم، أخذ الmug من البيت، أخذ، ممم، you know، هالإشي البسيطة هاللي تذكّرني بأمي، وتذكّرني بالبيت.

ي.أ.: أوكيه، إذا بتقدري هلق تكلمي، مثلاً، بعد حلب، إنت رجعتي على لبنان، أو سافرتي؟

د.ف.: [00:39:51] أوكيه، هلق وصل لوقت إنو بحلب، خلص، إنو ما في مستقبل، مش ما في مستقبل، إنو I don't belong there، بذي social life، بذي إقدر روح عالسينما، مسارح، so طلبت نقلّي على مكتب بيروت، هيدا كمان كان تغيير، لأتو أنا ما ربيت ببيروت، وبيروت مدينة كبيرة، so قعدت بfurnished apartment بالحرما، and، ومكتبنا كان بفردان، كمان هيدا كان تغيير جديد لأتو مثل ستيديو [studio] هو، بس فيو security تحت، يعني ما حدا بيقدّر يطلع غير ما، يعطوني خبر، and كمان رجعت عملته كmini-home لإلي، الإشي اللي بتذكّرني بالبيت، وبتذكّرني بحلب، وهالقصاص هيدي، and كspace، يعني بتذكّر روح أعمل، لروح عالشغل، روح الطّريق الطويلة، بس لحتى إمرق حدّ البحر، قدّ ما حبّ هالمنظر، هيك سابقة، وإمشي مع البحر لأوصل على فردان. ممم، بيروت، يمكن لأتو كنت إسمع إنو ما فيها safety، بدّه ينتبه الواحد بالمدن الكبيرة، في سرقات، في this & that، بس أبداً ما صار معي أيّ bad experience، واللي ساعد وقت اللي نقلت عبيروت، عمّتي كمان ساكنة بالحرما، بقى تدقّلي على المكتب نقلّي "بلا مرقّي إنتي ورايحة على البيت، عاملة اليوم... لبن إمّو" or whatever، so إمرق لعندها، يعني حلّت محلّ أهلي وإمّي عمّتي، ممم، بكرمها، بهيدا، so كان هيدا كإنو mini-home لإلي، الزيارة لعند عمّتي، إتعشّي عندها، وكفّي عالبيت.

ي.أ.: هلق إنتي قلتي إنو إخرتني تنقلّي من حلب على بيروت، لأتو ما حسيتي بالإنتماء، بحلب، ليه فكرتني بإنو إنتي ممكن تكوني منتمية لبيروت أكثر، وإنتي أصلاً ما بتعرفيها؟

د.ف.: [00:42:01] صح، هلق بيعرف الواحد يعني بدون ما يكون عايش فيها، بعرف إنو بيروت فيها more social life، فيها more cultural life، في مسرحيات بيضلو عاملينها، في سينمات بقدر روح أحضرها، I think هيدا اللي كنت عم دور عليه، هيدا اللي كان ناقصني وبذي إختبره ببيروت.

ي.أ.: كانت وقت الحرب أو بعد؟

ورشة المعارف

بيروت، لبنان

د.ف.: [00:42:24] no. كانت وقت الحرب. كان بعدها بوقت الحرب، نقلت بال81، and قعدت شي سنتين، رجعوا نقلوني، لأنّوا ترقّيت ل، صرت executive secretary, so رجعوا نقلوني ع حلب.

ي.أ.: وفيكي تخبرينا مثلاً أكثر عن هُو السنتين اللّي عشتيهن ببيروت، إذا عنجد حسيتي بالإنتماء، وليش، وخبرينا أكثر عن إنتي بيروت كيف شفيتها وقتا جيتي عليها وسكنتي فيها، غير ما تكوني بتسمعي قصص عنها؟

د.ف.: [00:43:01] حبّبتها، واللّي ساعد إنّو عندي أصحاب كمان، فكنا كثير نعمل activities، رغم الحرب، كنا نروح، كان في سينما يعرضوا alternative movies، بـ كليمانسو، معش إنذكر إسمها، روح أحضر أفلام. كنت روح، سكلت بالAUB، كان في بيعطوا courses after-hours، رحلت عملت course عن الألوان، يعني معبّية وقتي كثير، وكثير كنت مبسوطه. مبسوطه إنّو عم بتعلم إشي جديدة، يمكن هيدا اللّي كان بدّي ياه، إنّو كون stimulated، معبّية وقتي بـ cultural activities، وحقّقه بالسنتين اللّي كنت فيهن ببيروت.

ي.أ.: أوكيه، وقتها رجعتي على حلب، وإنتي كنتي مختارة تكوني ببيروت، في إشي تغيّرت؟ خبرينا من هون بعدها كمان شو...؟

د.ف.: [00:44:00] أوكيه، هلق بس رجعت، رجعت بغير position، يعني المعاش صار أحسن، الشّركة أعطتني بيت، سيّارة، so كان عرض مغري، رحلت بغير role، يعني كان دوري مختلف ساعتها، في position of power إذا عم تشتغلي للمدير العام، you know، دورك غير ببصير. هاللي بتذكره إنّو كان في كثير حذر، يعني، المخابرات كانت كثير ناشطة، كنت أكيدة أنّو كانوا يراقبوا مكتب المدير العام، يحطّوا يمكن شي بالسيّارة لحتّى يتسمّعوا عالحدث، so كان الـspace، وكان الـawareness إنّو الواحد بدّو ينتبه شو عم يحكي، لأنّو بتذكر كان في scientists أجانب، بين ليلة والثّانية بيعتولهن مكتوب إنّو إنتوا you're out، إنتوا معتبرين جواسيس. وما يعطوا الـreason ولا شي، بس كوني عم يشتغل بمكتب المدير العام، أعرف بهالقصاص هيدي. so، كان في حذر أكثر، عن تجربتي الأوّلانية، لأنّو الـposition تبعولي تغيّر، وكنت I was witnessing، كنت عم يراقب كيف عم تكبر، هالمركز كيف عم يكبر، عم يتعمّر مكاتب، عم يبيدوا الموظفين، عم تزيد المسؤوليّة، المكتب، المدير العام، نقل على pre-fabricated building، لأنّو كانت فكرته إنّو لازم تكون بين الموظفين، ما بدّه يقعد بمحلّ بالعاصمة، والمركز الأبحاث بتلّ حديا، اللّي هو about نصّ ساعة بالسيّارة، so، قعدنا بمكاتب، يعني أنا مكنتي، من الشّباك، بشوف إجرين النّاس هنيّ ومارقين، تحت الأرض، right، [تضحك]، مكتب المدير العام، كانوا عم يعملوا horticulture، عم يزرعوا بهالمركز هيدا وبالأرض، يحطّوا صخور، يجمّلوا المحلّ يعني. بقي بتذكر عم بتطلع من مكتب المدير العام، شوي تراب، قلنله بعد شوي إنت الشّلوش رح يبيّنوا من الشّباك تبعولك، مم، بس السّجادة، حطينا سّجادة، مستعملة قبل، ما كان، الحلو فيه إنّو ما كان عنده هال... روح العظمة، إنّو "أنا المدير العام، بدّي مكتب يا لطيف"، و... كان كثير متواضع المكتب، مم، [تضحك]، أه [تسعل]، so، مم...

ي.أ.: كم سنة بقيت بحلب؟

د.ف.: [00:46:54] بحلب، بس رجعت ثاني مرّة، من ال81، لل84، من ال81 لل84 وقت اللّي تجوّزت.

ي.أ.: أوكيه، بعدين، وقتها تجوّزتي، ضلّيتك بحلب، أو رحتي عملت ثاني؟

د.ف.: [00:47:11] أوكيه، هلق تعرّفت عجوزي بحلب، هو إنكليزي، and عسيرة إنكليزي، في كتار ببسالوني "ليه بعدك مخلية إسم بايرد مع إنك مطلّقة، صرلك زمان مطلّقة؟" عندي سبب إنّو خلّيت هالإسم، هو إنّو... في بنتي الكبيرة أماندة، يعني، بيّها مش موجود بالصّورة، خسرت إختها، ولحتّى تخسرني أنا كمان، حتّى بالإسم، يعني، أنا حسّيت إنّو الإسم إلو أهميّة، تحسّ إنّو هيدي إمها، بذات الـsurname، معي حقّ أو ما معي حقّ، بس هيدا كان الـchoice تبعولي، so تعرّفت على نيل [Neil] ال--، مع إنّو عرضوا عليه يضلّ يشتغل بحلب، مم، وفي كثير benefits، يعني free schooling مدارس مجانيّة، وسيّارة، وبيت، وكل شي، هو رفض، بوقتها قال لأنّو أصحابي كلهن هونيك، so إضربينا، إضطرّيت إنقل على بيروت، هو كان عم يشتغل بترابلس، بمصفاة البترول، نقلنا على الحمرا، كمان studio صغير، صارت المشاكل بالحمرا، نقلنا على صربا، قلنا أمان أكثر للأجانب، لأنّو إجا وقت كانوا عم بيقوّصوا ال، يغالوا الأجانب. so، كمان، another move، نقلنا على صربا، الشّقة بتطلّ على خليج جونيه، وعلى حريصا من ميّلة ثانية، بقي كانت الشّقة كثير حلوة، علق القصف، وأنا صرت مستقيمة (حامل)، so بتذكر حطّ المخدّة على بطني قال لحتّى إحمي بنتي، مع إنّو ما بيحمي شي يعني، بس... بوقتها أخذنا القرار إنّو

ورشة المعارف

بيروت، لبنان

Neil يحسّ إنو كل شغلة بدو يتكل فيها عليّ لقله شو الأخبار، وشو عم بيصير، so نقلنا على
 England .England [تضحك]، أنا طالعة من لبنان، عندي أصحابي، عندي عيلتي، عندي قرايبيني، وصلت
 لهونيك، كمان بلندن بعد أكبر من بيروت، على bigger city، واللّي صار إنو أخدين معنا سيارتنا، شاحنيها، مكتوب عليها
 لبنان، الـplate، وكان بوقتها، في مشاكل بين England وليبيا، so شو يقروا، بدل Liban، يقروا Libya، يعني الجيران،
 ما حدا بيعرفني، لأنو كمان الدركسيون على الميلة الغلط، ممم، بـEngland ما حسيت بالـsafety أبداً، البيت طابقين، جوزي
 يتأخر بالشغل، ضلّني خايفة حدا يفوت عليّ، حدا يخطفي بنتي، أبداً ما حبيتها هونيك. يعني لحتى.. قد ما حسّ إنو ما عم بحكي
 مع حدا والوحدة بس تكون إم مولدة جديد، بتكون already حاسّة حالها معزولة، خصوصاً إذا كانت عم تشتغل كل الوقت،
 وصارت قاعدة بالبيت كل الوقت، so صرت إستقبل شهود يهوى، دقوا عليّ الباب مرّة، قتلّهن أهلاً وسهلاً، تعوا بعملن شاي
 وقهوة، شاي وcake، ما تجرّبوا تغيروني، بس أنا بدّي إحكي مع حدا، شوف حدا، مرّة بالجمعة، إمبسط نصّف البيت، أعمل
 cake، إنو جاي لعندي حدا، and من بعد England، صرله شغل جوزي بـإسطنبول، قلت أنا anyway، ياخدوني وين ما
 كان، على هوبهوب بروح، على واكادودو بروح، بس بدّي إطلع من London. هلق، هلق بيس إطلع بقول لأ، it's not fair،
 لندن كمدينة، العالم ببمبسوطا فيها، حلوة، فيها كثير cultural life، بس كانت ظروفني إنو في حرب بلبنان، وإنو تاركة أهلي،
 وإنو مولدة جديد، هيدي كلّها ما ساعدت، إنو جوزي بيتأخر بالشغل، ما كنت شوفه، هيدي كالها ما ساعدت إنو شوف لندن مثل
 ما كان لازم شوفها. نقلنا عإسطنبول، إسطنبول انبسطت فيا كثير، إسطنبول بهيداك الوقت بالـ84-85، ما كانت مثل هلق،
 هلق تطورت كثير، يعني، شو اللّي إمبسط فيه أنا؟ إنو إنزل عند الفران، إشتري الخبز، يشوف معي أماندة صغيرة، يبي،
 ناصلسن ومش عارفة شو، يسلم عليّ، "كيفها بنتك؟"، يعني في personal touch، روح [00:52:11] عند اللحام، ممم، أنا
 السوبرماركت بس رحى على، عشت بلندن، حسّتها إنو الواحد number، فات 2 number، طلع 3 number، you're a
 number، بينما بإسطنبول، هالمحلات الصغيرة، اللّي روح جيب منها غراضي، إمبسط لأنو في personal interaction
 مع الذكان، مع البيّاع، وساقبني، عندي جيران كثير مناح، هني الـlandlord، هني صاحبين البيت، ذات الشّي، تطبخ الطبخة،
 تنزلي، إذا سمعت أماندة عم تبكي، تنزل تهديها، وتهزلها لتنام، ممم، البيت حلو كان، فيو جنيّة، نزل أماندة عالجنينة، في
 park، هيدا ما كان مختبرته هون بلبنان، إنو ناخذ الولد عالـpark، يلعبوا بالمراجيح، يلعبوا بالـsandpit، ودخلت مع غروب
 [group] أجنب، ستات أجنب، إسمه playgroup، نجتمع مرّة بالجمعة، كل مرّة عند حدا بعد إسطنبول، نقلنا، قررنا إنو
 خلص، يعني، صار عنا بنتين، لازم نأمنلن مستقبل ونعيش بمحلّ نستقرّ فيه، so نقلنا عأستراليا، عشنا بـPerth، ممم، Perth
 كمان، كثير أخذني وقت لحتى إتأقلم، كأستراليّة، عقليّتهن كثير مختلفة عن هون، يعني مثلاً إذا عملت compliment لوحدة،
 قلّها أه، فستانك كثير حلو، قلّي "are you lesbian؟"، قول أنا what؟، كمان عطول بدّي إنتبه شو بدّي إحكي، إنتبه ممم
 [تنتهد]، anyway، so، هيدي كانت تجربتي بـPerth، وبما إنو كان جوزي يضلّ غايب، ويسافر، ومشغول، يعني كنت
 like a single mom، وقت اللّي عم تربي بنتين، وما عندك مساعدة، وبعيدة عن أهليّتي، ممم، هيدي ما كانت هيّنة، بس كبلد
 حلوة، لأنو البنات، في أمان، يلعبوا بالجنينة، المدارس أمنة، منظم كل شي، ممم، خلصنا من Perth، نقلوه لجوزي من شغله
 على Brisbane، هيدي another state، ومبسطت بـBrisbane لأنو العيشة فيها لا هيّ كثير عجفة مثل Sydney، ولا
 هيّ بطيئة مثل Perth. يعني Perth كنت سمّيه أنا the city of slow death، مع إنو كمان it's not fair، كيف هيك I
 labelled it، هلق if I look back، ما دخل المدينة، ما دخل البيت، ما دخل... I think العالم اللّي بتعمل المدينة، العالم هيّ
 اللّي بتعمل... وبعدين ما بدو ينقل الواحد على منطقة ثانية وحامل معه luggage، أنا كنت عم شبّه Perth للبنان، لأصحابي
 بلبنان، it wasn't fair، ما حدا رح يدقّ عليّ قلّي تعي إشربي فجان قهوة، كل واحد معجوق بحاله، بقى هيدي
 الـcomparison تعلّمتها بعدين، إنو it's not fair، and I shouldn't do any comparison [Brisbane]
 حبيّتها، عالبحر، وأخذ الأولاد عل theme parks so I was fine in Brisbane، رجعنا نقلنا على Perth كمان بشغله
 نقلوه، بالأخر وصلنا لوقت... بعد Perth, where did I go؟، بـPerth.. yes، صار وقتها الطلاق، وصلت لوقت إنو
 خلص، معش فيّ كفيّ مع زوجي، ودخل هو بالسياسة، ترك شغله، ودخل بالسياسة، so، when، بوقتها قررت إنو لازم إنقل
 عسديني [Sydney] لكون حدّ إخوتي...

[ينقطع التسجيل]

[يوصل التسجيل]

ي.أ.: أوكيه، إنتي كنتي عم تقولي عن تشبيه المدن ببعضهن، وبعدين حسيتي إنو هيدا الشّي منو عادل، إنتي يمكن حسيتي
 حالك بفترة معينة ما بتنتمي لمدن لأنو كنتي عم بتقارنينهن بالمدن اللّي كنتي بتحبيها مثل زحلة ولأ بيروت، وبتحسي لأنو
 إنتي تجربتك مثلاً هونيك لأنو إنتي عربيّة، لنقول، بمدن مش عربيّة، إختلفت أكيد عن تجربتك هون، خبرينا عن هيدا الشّي،

ورشة المعارف

بيروت، لبنان

حتى كيف كنتي تعيشي، كيف كنتي تتنقلي، هل قدرتي تاخدي عادات من هون، ولا قدرتي تعملي مكان بيشبه المكان اللي انتي متعوده عليه؟ وهل نجحتي بهيدا الشتي بمحل معين؟

د.ف.: [00:57:28] no، لأنو اللي يعرفه من ورا تجربتي إنو الculture تبعولته الواحد ثقافته، إنو ما فيه، مش بس يوصل عالمطار بيشلح الجاكيت وخلص، ثقافتنا وعاداتنا بتصل معنا، ممم... وبفكر ما كان بدّي غير حدا، ويعرف إنو ما فيّي غير حدا، so كان أحسن شي إنو إتأقلم مع الجوّ، هلّق ساقبني بإسطمبول عاشرت كثير أجانب بحكم شغل جوزي، so كان في هون، كان في من Sweden، ممم، أكيد من كل وحدة تعلمت شي، هنّي شو تعلموا منّي، ما يعرف، هيدي بدنا نسالهن ياها هنّي. بس نقعد نتناقش بهالcultures هيدي، مثلاً إشييا كيف هنّي بيربوا ولادهن، نحنا مثلاً عنّا إذا الأهل زعلوا من ابنهن أو بنتهن، "لا بنتي ولا يعرفك!، لا ابني ولا يعرفك!، بطّلت حبك"، اللي تعلمته من الأجانب إنو بقأها "أنا بحبك، بس ما حبيت تصرفك"، وهدّي بتعمل فرق كبير، لأنو الولد عنّا نهار بيحبوه أهله، مثل البورصة، طالعة نازلة، نهار بحبك، نهار بطّلت حبك، نهار... ما بتخلي عنده stability وما بتخلي عنده أمان، عادات كثير تعلمتها من الأجانب اللي إحتكيت فيهن، مثل ما قلت، هنّي شو تعلموا؟ I have no idea، بس بتذكر إنو مثلاً إذا عزمت حدا من الأجانب، معودين نحنا، يعني حتى afternoon tea، يايي، حظ قصص، وأعمل، و... تكون وحدة ست، بس وحدة جاية، هيدي خوفهن، لأنو يحسوا إذا هنّي عزموني، لازم يعملوا ذات الشّي، وهنّي ما عندهن هالخصلة هيدي، يعني إنعزم عالغدا، يكون في الmain dish، مع salad، وخلص، بتطلي من عندها جو عانة، مش جو عانة، إسطلي. ممم، so هيدي خفتها، بعدين لاقيت إنو مثلاً إذا، حبوا الحمص، عاملة حمص وحبوا الحمص، اه دلال، فيكي تعمليلنا حمص؟"، بي، أركض أنا أعملهن حمص، بعدين لقيتها شغلة، هي بدّها بتولة، وهي بدّها حمص، صرت أعطيهن الrecipes، بقى هال-cultural differences، هودي بتعلمي تتأقلمي، وما تخلي حدا بعدين ياخذ advantage منك.

ي.أ.: بكل بيت عشتي فيه بأستراليا، شو بتتذكري متو شي حلو، وشي بشع؟

د.ف.: [1:00:01] بيت الشام قلت أنا الذكريات لأنو الماما كانت تعطينا حرّيتنا نلعب، بهمها كان إنو نقعد نلعب بالبيت ولا نلعب عالطريق، بتعرفي لا في park، ولا في جنيّة، ولا في شي، بزحلة، الجوّ كان كثير حلو، النهر، الطّبيعة، نروح نمشي، كل موسم، تعرفي المواسم مثلاً، يجينا سحاحير عنب، يجينا... كل واحد شو طلع عنده موسم، هودي اللي بيضلو براسي، ممم، بEngland، لأ، لأنو ما حدا بيعرف حدا، كلو معجوق بحاله، I don't have good memories، والخوف، يعني هيدا اللي يجي ع فكري الخوف، ببيت England، ببيت لندن، كان في خوف. ممم، ببيت Perth وقت اللي نقلنا عأستراليا، لأ، صار عندي جنيّة، أقعد إشتغل بالجنيّة، ممم، بس نقلنا على Perth، كان البنات، كمان كان عنّا جنيّة كبيرة، إمبسط إنو في عندهن cubby house يقعدوا يلعبوا بالبيت، جبتلهن guinea pigs، بسينات، إختلفت كثير، وغير من عن أنا متربيّة عليه، يعني هون كان في قرف من الحيوانات القلال اللي بيخلوا، هلّق صار في أكثر لاحظت، مثلاً كلب يقعد بالبيت؟ no، بسينة تقعد عالنتح؟ أبدأ، ممم، so هيدي الإشي كثير تغيّرت عندي، وتعلمت إشييا كثير متها. بإسطمبول، كمان يمكن لأنو كانت الجارة كثير منيحة معي، وفي جنيّة، أخذ البنات عالبحر، عال، so I have very good memories، and park، غير بإسطمبول، بBrisbane كمان حبيتها، يعني عندي good memories، أكثر من الbad memories.

ي.أ.: وبعدين... رجعتي إنتقلتني على مطرح تاني؟

د.ف.: [01:02:12] sorry، طلع صوت هون.

ي.أ.: لوين رجعتي إنتقلتني من بعد Perth آخر مرّة؟

د.ف.: [01:02:21] Perth, Brisbane, Perth, Sydney، أنا نقلت على Sydney بعد الطلاق حتى كون حدّ خيّي وإختي، إختي وإخت، إختي، وإختي، and، كمان Sydney is a big city، بعدين الculture تبعهن كثير مختلف عنّا نحنا، حتى لو إختي، بس لأنّها صرلها زمان كانت هونيك، كانت عقلاطنا بيختلفوا، and نقلت حدّ ما هو خيّي، في ساعة ونص من Sydney، بدك تحسبي كيف الواحد ناقل من بيروت لزحلة، so نقلت على منطقة إسمها Albion Park كمان منطقة كثير حلوة، قريب عالنهج، والبحر، والجبل، you know، فيها كثير variety، المنطقة حلوة، البيت حلو، وفي أمان، حتى مرّة نسيت مفتاح البيت والسيارة بالباب، وبيتنا عالطريق، وكأبو وما صار شي، بس كان الculture، ما كنت I didn't belong، ما كان، مش لألي، ما حس حالي إنو I belong there، رجعت نقلت عSydney، لأنو صار وقت إنو البنات بدّهن يفوتوا عالجامعة، قلت أنا أحسن نكون بbig city، بيتعلموا بجامعة مرتبة، بعدين بالمستقل بلاقوا شغل، وكل شي. هلّق وقت النقل

ورشة المعارف

بيروت، لبنان

غ Sydney، كنت مشترية بيت، وخسرت شغلي، so صار الدّفع البيت يتراكم عليّ، الفائدة، صرلي شغل ب Papua New Guinea, so تركت البنات ورحت غ Papua New Guinea، بشمال أستراليا، وكانوا مستعمرينها الأسترالية، وهني من one generation before، كانوا أكلين لحوم البشر، يعني ما رحت على منطقة [تضحك]، هيدي إذا كان في خوف، كان لازم يكون هونيك الخوف، ممم، الشركة نزلوني ب apartment, apartment بقلب lodge، يعني كيف hotel, motel، موتيل، كأنو موتيل، so فيه بوابة كبيرة، وهونيك بيشربو drink اسمه steam، بس يشربو هال steam، بيطيروا، يعني بيضيّعوا، واحد بيقدّر يقتل خيه هو وتحت تأثير المشروب هيدا، وما يعرف إلا لتاني يوم، بقى، yes، هونيك كان في خوف، بالنسبة للأمان.

ي.أ.: بتقدري تخبرينا أكثر عن هيدا المكان اللي إنتقلتي عليه؟ وقديه الفترة قعدتي فيها، وإذا تَقَلّتي ببيوت، و... وال، والمكان كلّه مثلاً، إذا كان مدينة ولا أصغر شوي؟

د.ف.: [01:05:17] أوكيه، المنطقة اللي نقلت عليها هيّ Wewak، الشغل كان مع البلدية تبع Wewak، لأنو ما كانوا عم ياخدوا ال، ممم، الضرايب من العالم، ولا هني عم يدفعا فواتيرهن، so كان بدّها revival، منرجع نعملها إعادة تأهيل، نعمل training للموظفين اللي هونيك، ممم، ويفتحها رئيس الوزراء، كان اسمه Michael Somare، الشقة اللي عطوني يها، ممم، وهو ال lodge كلّه، لوحدي إسترالية، عاملة هالمحلّ هيدا، بينزلوا عندها الناس، الشقة شو بدّي خبرك، في طاولة معمولة على شكل crocodile، هلّق ب Papua New Guinea في كتير crocodile، شو بيسمّوهن، تمساح. [تصقّف مرّة واحدة]، طاولة القهوة معمولة عشكل تمساح، so من هون طالع تمّه، من هون طالع دنبه، كيف ما روح وإجي أضرب يا بنّمه، يا دنبه، معمول من الخشب، حاطة كل شي في soft toys، هودي البيلوش [Peluche]، الألعاب البيلوش معبّتهن بالشقة، فوقت النقات، شلتهن كلهن، حطّيتهن بخزانة، كبايات، إذا عم تسالي عن ال space، أنا رايحة من محل عندي كل ال equipment اللي بعوزها بلابيت وبالطبخ، رحت عم يستعمل هيدا، مقلاية وحدة، طنجرة وحدة، ممم، تعلّمت من وراها إنو مش بكترة الأشياء، الواحد بيقدّر يدبّر حاله من إشي بسيطة، يعني ما عندي قشّارة البطاطا، ما عندي قشّارة التفاح، ما عندي and مشي حال الواحد، ال space كان قريب عالبحر، هيدا ال lodge اللي نازلة فيه، so، قلت أنا ما زالني هونيك، بدّي روح إمشي، حدّ البحر، قالتلي صاحبة ال lodge هاللي اسمها Margaret، قالتلي "دلّال بدك تنتبهني" قائلها من شو بدّي إنتبه؟، مرّة ماشية، لابسة تياب، يعني مش إنو بالمايو عم هيدا، ماشية على البحر، لقيت في شباب قاعدين على جنب، بيشيل ال coconut shell، بتعرف في قشرة الجوز الهند، ما هي خشب بتبقي، بيضربوها عليّ، بتجي على زندي، هلّق أنا ردة الفعل تبعولي، أخذت ال coconut shell، ورحت صوبهن، شفتهن إنو عينيهن حمر، ما كنت بعرف إنو بيشربو هيدا المشروب وهيك بيصير فيهن "مين عمل هيك؟ ليش زتيتوه؟" بلّشت عيط عليهن، "sorry, sorry" كبيتها بالأرض مقبّعة معي، ومدري شو مفكرة حالي يعني أنا، قمت ضلّيت ماشية. وقت الخبرت الناس، قالولي "منيج اللي عملتي هيك، كتير كان لازم قلّهن Avenoon، يعني good after noon، أنا تطلّعت فيهن وضلّيتني مكفية، أخذ عاظرهن، وشافوا إنو حدا أجنبية غربية، بس الظاهر عملت ال reaction المظبوطة، لو إنو ركدت، ورجعت، كانوا إستقوا علي، بس أنا بما إنو رحت وعيطت عليهن، المهم بيحوا تاني يوم على المكتب، محل ما أنا بالبلدية، عم يعتذروا، بدّهن يساعدوا، يتطوّعوا ويساعدوا، بقى الظاهر كانوا آخدين هيدا المشروب، وكان ممكن بأدوني، بس إيّام الجهل بييساعد الواحد، ignorance can be a bliss sometimes، ممم، هيدي الشقة، وهيدا ال environment حدّ البحر، روح إمشي، بعدين لهجتهم مختلفة، يعني مش إنجليزي، بيسمّوه Pidgin، اللي هو نصّ إنكليزي، نصّ، مثلاً بدل ما نقولي afternoon بتقولي avenoon، بدك تتحدّري بهيك قصص، مرّة كبتوا عليّ قني--هيدا، تنكة بييسي، عالسيارة أنا وسابقة، كمان شحطت فرام، نزلت من السيارة، أخذت، يعني ما بعرف شو كنت مفكرة حالي، عملولي، سمّوني they nick-named me bulldozer، Bulldozer، ممم، ويا ريت، ما معي حدا يعني مستقوية أنا مثل كإنو في وراية شي... حزب، يما شي زعيم، ما في وراية حدا، بس هيك كانت ال reaction تبعولي، Papua New Guinea تعلّمت إنو ممم، أنا مش رايحة بس لعلمهن، أنا رايحة إتعلّم منهن كمان، ما بعرف إذا بدك خبرك القصّة وقت اللي عملنا ال fair، وكيف عملوه؟ إجوا ستّات عندهن جمعيّة، قال "please، بدنا مصاري، بدنا نعمّر هيدا"، قلّتهن ما بعطيك مصاري، بس بعلمك كيف تجيبوا مصاري، خبرتهن، قلت أنا منعمل fair، وبيجيبوا أشغال يدوية، منبيعها، وبيطلّعوا مصاري، قلّتهن منطلّع مصاري، وبتعمّروا الهيدا، كتبت لكل شي أصحاب إميالات "please ساعدونا، بعنوا تياب ما بدك يها، كتب، الألعاب"، إجابني كتير مساعدات. نهار اللي بدنا نعمل ال fair، ممم، [01:10:17] بقى ناطرة أنا، أساس إنو 9 بيجي truck، وبيحطّوا السننادات [stands]، ومنزبط... 9، 9:30، ولا جاي كميون الجيش، جايبين فيو قصب، وجايبين فيه ورق ال... ال palm، النخلة، قلت أنا "هودي بدّهن يعملوا فيه سننادات، هودي كيف بدّنا نقعد ن... in no time، لا جايبين شاكوش، ولا جايبين مسمار، عملوا السننادات، كلّها بيربطوها، ببعضها، هيدا السنناد، وفوقه عملوا ال shading بورق النخل، بيشبكوه ببعضوا، وصار عندك في. هيدي وقتها، إنهبلت أنا، إنو لا طاولات ولا شي، هيك عملوا، كلهن تعاونوا هيدا، فانا وعم

ورشة المعارف

بيروت، لبنان

يعمل الfair، مثل كَأُو بأستراليا، أنا وعم نَفَخ البوالين، ما إلحق علقهن عالشجرة، عم بروح على شجرة تانية، بيكونوا فقَعوا. ليه؟ لأتو في شوب كثير، يَفَقَعوا. اللّي تعلّمته كمان إتو عملت قصص، مثلاً cupcake، أعملهن بالزّبدة، والcornflakes، على الشوب دابوا، وما بيحبّوه، يعني... إذا، تعلّمت وقت اللّي بتروحي عبلد، بتشوفي هُنّي شو عاداتهن، ما بتفرضي عليهن عادات غيرك. ممم، هَلَق الشغلة التّانية اللّي صارت إتو حطّبت السّنات هو تبع الجمعيّة، كلّ وحدة على stand، مسؤول عن الstand. الغلطة اللّي عملتها إتو ما روح شيك قَدّيه طلّعوا مصاري. قلت أنا خلص، بكرأ منعمل إجتماع، ببسلموني المصاري، ممم، وهودي بيروحوأ حتّى يعمرّوا فيها الجمعيّة. المبنى للجمعيّة وشو بيصير تاني يوم، رحنا عالاجتماع، وبين المصاري يا سنّات؟ "oh"، "شو صار بالمصاري؟" راحوا عالpub، شربوا فيهن بييرة، سكروا بالمصريّات. بقى [تضحك]، هيدي الشغلة كمان تعلّمتها، إتو لاحقي الموضوع، هودي الجمّاعة ما عندهن concept of money، إتو معي مصاري، أنا بش--، إنتي معك مصاري؟ لازم تشارك في. عندهن شي system اسمه الWantok System، إذا إنتي موظفة بالعيلة، وأنا قاعدة بلا شغل، إنتي مجبورة فيّي، أو كاي، so, it was very interesting عيشتي بPapua New Guinea لأتو different culture. أه، اللّي حبّيته، شو بيّفكروا هُنّي، إذا إستعملوا plastic plates، وplastic cups، إتو هُنّي صاروا modern. بالوقت اللّي هُنّي عاداتهن، بورق الموز بيحطّوا الرّز، هيدا الصّحن تبعهن، ورق الموز هو الصّحن، وبيلقوه هيك مثل parcel بقى، صرت علمهن إتو ما تستعملوا الplastic، اللّي عم يستعمل plastic عم يجربّ يطلع من هالعادة هيدي، عندكن عادات حلوة، خلّو هالعادات عندكن.

ي.أ.: هَلَق إنتي قدرتي، حتّى لو إتو بعدك بأستراليا، بس غير مكان، تلاقي متل إنتماء أو أمان أكثر بهيدي المنطقة؟

د.ف.: [01:13:38] بأستراليا؟

ي.أ.: لا، المنطقة--

د.ف.: [01:13:42] _ أو بPapua New Guinea

ي.أ.: Papua New Guinea.

د.ف.: [01:13:46] إيه، ممم، مش إنتماء، I think كنت حاسّة إتو عم ساعد، عم يعمل شي، ممم، بس لأ، الculture كثير مختلف، بس مبسّطة إتو بلد بعده خام، الطّبيعة بتأخذ العقل، مع إتو الشعب... و... أبداً يعني، في سرقات، في قتل، في... العالم ما بتطلع برّات بيتها غير ما تكون حاطة الفرد بالسيّارة، بال tableau.

ي.أ.: بعدها رجعتي إنتقلتي على مطرحة تانية، مطبوظ؟

د.ف.: [01:14:22] رجعت على أستراليا، هَلَق تنقلت هونيك، بين العاصمة Port Moresby، وبين Wewak، بس كانت كثير تجربة حلوة بالنسبة للculture، بالنسبة، البيوت تبعهن بتختلف، فوت على بيوتهن، ممم، you know على محلّ البيصّلوا، هيدا بس مسموح للرجال، كلّ الإشي معمرّينها من مواد طبيعيّة، أو كاي، so كانت very very different experience، بعدين رجعت على Sydney، بس خلصت الcontract.

ي.أ.: أو كيه، كنتي بكلّ هيدا الوقت بتفكّري ب... بمدينتك اللّي خلقتي فيها، ب، يمكن إذا كان بعد عندك عيلة ترجعي لعندها، بيتك القديم، بتفكّري ترجعي ع لبنان؟

د.ف.: [01:15:21] هيدا الإحساس، كل هالوقت كنت ملهية، you know، عالاولاد الصّغار، عم ربّيهن، مدارس، لهيك ما كانت عم تخطر ببالي، وقت اللّي نزلت ع سيدني بعد Papua New Guinea، and كانت أماندا إنتقلت، ناديا راحت على Europe، صقيت لحالي، هيدي الوقت اللّي حسّيت إتو I don't belong، ما بنتمي لأستراليا، ولا للculture تبع أستراليا، مع إتو شغلي كان قريب عالبيت، بيتي قريب عالبحر، ممم، عندي كلب، أخده مشيه حدّ البحر، يعني كل شي أيّا شخص بيحلم فيه، حاصلة عليه، and، ممم، بس أبداً كنت... هيدا الوقت اللّي حسّسني إتو لأ، عم حنّ علبنان، تطلعت على الinternet، بدّي شوف إذا بروح بتطوّع بشي بلد، كنت عم دورّ بPeru، بعدين قلت أنا يا عمّي، هو البلدان ما بحكي اللّغة، ليش ما بروح علبنان؟، طلع في جمعيّة إسمها Association for Volunteer Services، and كتبتلّها، هيّي صدفة هي كمان، قصّة

ورشة المعارف

بيروت، لبنان

لحالها، ما رح طول عليكي كيف صارت الصّدفَة لتعرّفت عهالستّ، وجيت على لبنان لأشغل على، سنتين على initiative، مبادرة على التّطوّع بالبلاد العربيّة.

ي.أ.: كيف قررتي ترجعي علبان، بعدها بفترة؟

د.ف.: [01:16:51] أوكيه، ممم، مثل ما عم قلّك، كنت مش مبسّطة، عم دور إتو في شي بعد ناقصني، في شي لازم حقّقه، هيدي السّت تعرّفت عليها بالصّدفَة، and كتبتلي وعم تقلي، لأنّو الظّاهر أنا سجّلت معهنّ عال newsletter، so صار يجيني newsletter، مرّة بتقلي إتو ال 10 anniversary th عاملينه بالUnesco Palace، قلت أنا هيدا bulk email اللي باعنيته، أنا بأستراليا، وين بدي روح عالUnesco Palace؟، قرّيت عنها، قلت أنا هي جمعيّة عن التّطوّع، كتبتلها، قلّتلها أنا كنت بوقتها طلعت بمشروع إتو المغتربين اللي بييجوا علبان، كل واحد يتطوّع بالمجال تبعه، بالوقت اللي بييجوا بيقتوه بلبان، so قالتلي "في مبادرة، بنجي بتشتغلي معنا؟ عسنتين المبادرة"، قلّتلها أنا yes، هلّق كان الضرب بالنّسبة لبعض الناس، هيدا ضرب خوات، لأنّو مين بأستراليا وييجي على لبنان بالوقت اللي اللّبنانيّة بدهن يتركوا لبنان؟، وهيدا اللي صار. جيت عأساس سنتين، وضليّت، صرلي 10 سنين.

ي.أ.: بالفترة اللي رجعتي فيها على لبنان، حسيتي أكثر بالإنتماء، رجعتي زرتي يمكن بيتك القديم؟ ممم، التّقيتي بأشخاص كنتي بتعرفيهن؟ هل هيدا الشّي حسّسك بإنتماء أكثر، أو رجّع بذاكرتك إشيا لتجربة المكان اللي ربيت في وخلقتي فيه، وشو فرقت عن كل السنين اللي عشيتي فيها برّا؟

د.ف.: [01:18:29] هيدا سؤال كثير منيح، لأنّو بس رجعت، رحت عالشّام، رحت شفت وبين بيتنا القديم، البيتين، محلّ ما ربيت، والثّاني، هلّق واحد منهنّ تعمر بناية محلّه، رحت عمدرستي، عالفرنسيسكان، كان كل شي بيبيّن كبير صار صغير، المسافات اللي كنت شوفها بعيدة صارت صغيرة، يعني بين، مثلاً، أبو رمانة والصّالحية كنت شوف بالطّيف هي مسافة بعيدة، بسّ هو لأنّ أنا كبرت، مش لأنّو المحلّات صغرت. بزحلة، طلعت عبيتنا عزحلة، الأشخاص اللي كنت أنا وياهنّ بالمدرسة، رجعت جدّدت صحبة معهنّ، ما عندك فكرة، يعني حسيت بنتمي لهون.

ي.أ.: وإنّتي هلّق قررتي تعيشي فترة ببيروت، وحتي كمان بمكان مش المكان نفسه يّلي كنتي ساكنة فيه قبل، هل حاولتي إنك تعملي شي، تغيري فيه شي، لحتي ترجعي التّجربة القديمة اللي كنتي تحسّيا بلبان؟ أو لقيتي إشيا مثل بعضها يمكن؟

د.ف.: [01:19:42] no، يمكن تعرفي أنا، يعني بفتكر مش من طبيعتي إني إنقل محلّ ما كنت عايشة للمحلّ، لأ، بالعكس، أنا هيدا المحلّ الموجودة فيه، I make the most of it، بتأقلم معه، ويعيش، you know. I make the most of it، يعني حتّى بس رحت على أستراليا، وحدة من سفراتي، رحت زرت البيت اللي كنا فيه أنا وبناتي، حسيت كأنّو شي حدا تاني كان عايش فيه، كلّ المحلّات اللي رجعت زرتها بأستراليا، اللي عشيت فيها ورجعت زرتها، كأنّو شي حدا تاني كان عايش فيها، أنا ما إلي علاقة. ما في غير بس بلبان، وقتنا رجعت علبان، وزرت هالمحلّات القديمة، هودي، هيدا، حرّكوا مشاعر، ما بعرف ليه.

ي.أ.: طبّ، آخر سؤال أو سؤالين، كيف بتعرفي البيت لأك، يعني كيف بتحسّي هيدا المكان بيتك؟... بالنّسبة للتّجربة؟

د.ف.: [01:20:58] أوكيه، البيت أولاً مش بالحجار، وبالbricks، وبالحيطان، وبالهدايا، هيدا مش لألي، هيدا مش بالنّسبة إلي البيت، يعني عشيت بفواييه، عند الرّاهيات، أوضة صغيرة، وحمّام، ممم... كثير مختلف عمّا كنت عايشة فيه بأستراليا، البيت... ممم... يعني نحنا منعمل البيت، ما بحسّ عم بعرف عبّر، بس ما بتفرق معي أنا، السّقف عالي يّمّا السّقف... مش راسي بهالناحية هيدي، إتو يي، بدي ياه سقّف عالي، بدي ياه يكون معه... هاللي موجود، بعمله البيت.

ي.أ.: بتحسّي هلّق بذكّك ترجعي بعد عشي مكان؟ ممم... تتذكّري شي، أو بتحسّي إتو خلص، ما بيعيلك ترجعي؟

د.ف.: I think [01:21:54] عملت يّلي بدي أعمله، زرت الشّام، زرت حلب، زرت... هون بزحلة، بلبان، الإشيا الصّغيرة اللي إمبسط فيها، مش نروح نقطّف تفّاح؟، هيدي كثير تعنيلي، مش شوف إبريق الفخّار بالضّيعة، وإحكي مع شي ختيارة، هي بتعنيلي كثير. ممم، بس إتو محلّات تانية إرجعها؟، حلمي إتو قضّي نصّ وقتي بأستراليا، نصّ وقتي بلبان. حاسة بعد في إشيا لازم أعملها بلبان، ما عملتها.

ورشة المعارف

بيروت، لبنان

ي.أ.: ممم، آخر سؤال، بتحسني لأنو إنتي تنقلتي بكتير مدن، وعندك تجارب بكتير أماكن مختلفة، هيدا أثر على إنتي كيف بتختبري المكان، أو لأ، بتحسني إنو هيدا الشئ لأ، إنتي خلقتي هيك، و...

د.ف.: I think [01:22:45] هيدي combination of two، أولاً شخصيتي ساعدت إنو ما بتعلق بالمكان، ممم، وثاني شغلة إنو هالفد تنقلت، ما عاد، يعني غير ما شخص يكون خلق، ورببي، و... وترعرع وتجوّز وبعده بذات المنطقة، عرفتي كيف؟ يعني مثلاً ولادي بس كنت وصلهن عالمدرسة، بس كنا عايشين بالمنطقة اللي قلتلك I didn't feel I belong، نزلهن، وصلهن عالمدرسة، قلهن don't forget to wear your wings، ما نتسوا جناحاتكن، لأنو ما كنت شوف إنو هنّي رح يكفوا حياتهن بهالمنطقة اللي كنت فيها، إنو العالم كله تحت إيدكن، روحوا محلّ ما بدكن، so، يمكن هيدا تفكيري، اللي ما بأمن إنو محلّ واحد، وهدا بنتمي إله، وهدا وطني، وهدا... no.

ي.أ.: طيب، شكراً كثير دلال، بتحبي تزودي بعد شي تذكّرتيه، أو بتحبي تحكيه بهيدا السياق؟

د.ف.: [01:23:55] بعذر إذا كترت الحكي.

ي.أ.: لأ، بالعكس.

د.ف.: [01:24:00] [خطّ يتقطع] قصص كثيرة، إنشالله بكون ربطت القصص مع الspace، بس هنّي inter-related، يعني مربوطين ببعضهن.

ي.أ.: أكيد، أكيد

د.ف.: yup [01:24:12] ، بس برجع بقول، بتشكرن عطيتوني هالفكرة-- هالفرة، و all the best, thank you so much.

ي.أ.: شكراً، شكراً

د.ف.: thank you. [01:24:16]

[إنتهاء التسجيل]

ورشة المعارف

بيروت، لبنان